

史料旬刊

第二十四期



中華民國二十一年一月二十一日出版

史料旬刊第二十四期

編輯所 故宮博物院文獻館

發行所 神武門外發售室

印刷所 京華印書局



費 郵		表 目 價	
		四 角	每 旬 一 冊
每 期 一 角	外 埠	六 元 五 角	十 八 冊
每 期 二 角	外 國	十 二 元	預 定 半 年
免 掛 物 本 遺 號 均 院 失 遞 交 發 送 郵 寄 以 局 刊		十 二 元	預 定 全 年
		十 六 元	三 十 六 冊

本市 商務印書館 中華書局
 上海 文明書局 世界書局及
 天津 其他各大書店均有代售



史料旬刊第二十四期目錄

準噶爾夷人貿易案 原件藏三所

(一) 永常等摺

(二) 永常摺

(三) 永常摺二

(四) 黃廷桂摺

趙雲鵬捏造圖記誣騙錢文案 原件藏三所

(一) 吳紹詩摺

(二) 阿明德摺

(三) 崔應階摺

(四) 馮鈐摺

(五) 鄂寶摺

(六) 吳達善義摺

(七) 阿思哈摺

羅教案 原件藏三所

(一) 雅爾哈善摺

(二) 喀爾吉善摺

黃佔等搶取蘇祿貢使貨物案 原件藏三所

(一) 喀爾吉善
潘思 架摺

(二) 喀爾吉善
潘思 架摺二

(三) 喀爾吉善
潘思 架摺三

高樸私鬻玉石案 原件藏三所

(一) 勒爾謹摺八

(二) 西 寧摺

(三) 勒爾謹
畢 沉摺三

(四) 勒爾謹
畢 沉摺四

(五) 勒爾謹
畢 沉摺五

(六) 巴延三摺十

(七) 周元理摺二

(八) 舒文摺五

(九) 巴延三摺十一

乾隆朝外洋通商案 原件藏三所

(一) 潘思榘摺

(二) 喀爾吉善
新柱摺
陳弘謀

(三) 新柱摺

(四) 李侍堯摺

阿里衮
明德 奏報查明歷次陣亡傷亡官兵摺 原件藏三所

彙核嘉慶十七年各直省錢糧出入清單 原件藏三所 (再續)

地丁項下

(一) 河南省

(二) 山東省

(三) 山西省

卷末附本刊第一期至第二十四期目錄索引

準噶爾夷人貿易案

永常等摺

總統駐防哈密等處官兵安西提督仍帶降三級留任臣永常等謹奏爲奏聞事正月二十三日據夷使宰桑吹納木克差托爾多同送到哈密回巢報信之小頭目沙藏巴圖兒等共十一人來見臣等公同詢其來意據托爾多稱噶爾旦策凌著宰桑色布滕差了箇沙藏巴圖兒一來請大人安二來打聽我們喇嘛多約特宰桑齊墨特進藏熬茶離藏剩了一個多月的路不進藏又回來的緣故臣等說齊墨特不進藏的緣故他回去自然對噶爾旦策凌說的怎麼反來問我們呢托爾多等說齊墨特回去說的話狠不明白他說到了動科爾圈在一個空城裏住了幾個月大人們擋回去了因此沒得進藏臣永常說大皇帝以孝治天下因噶爾旦策凌爲他父母的事情再三懇求纔恩准你們進藏熬茶還派大人官兵護送賞給口糧牲口又將你們留下牧放的瘦乏駝馬特下恩旨等回來將倒斃的都補給疲瘦的都換好的這都是大皇帝格外天恩若說到了動科爾擋阻不著進藏何不當初不准進藏你們敢來嗎齊墨特等

因爲買賣不得大價錢不肯進藏要回去大皇帝與他們下的旨意甚明白他豈有不對噶爾旦策凌說的托爾多稱說大皇帝這些恩典齊墨特也不會說下的旨意也不會說臣等隨說旨意是在動科爾與齊墨特等下的齊墨特等來到哈密就賴說沒聽見我們又述了一遍當時你們的人有五六十名都在跟前齊說記得了回去一定對噶爾旦策凌說如今你們說並不會說可見齊墨特等是全無信行的人了托爾多等說求大人將大皇帝旨意對我們說一遍我們這六個回去的人見了噶爾旦策凌告訴臣等說你們的喇嘛宰桑自然是最辦事明白的噶爾旦策凌纔把他父母的大事靠了他來事情也沒辦對他們下的旨意他回去都沒對噶爾旦策凌說如今對你們說也無用難道你們從前來的三百多人就沒一個說實話的回去只問你們的人就知道了何必用我們再說呢托爾多等復再三懇求臣永常因見跟來的人內有前隨齊墨特的跟役一名叫多爾濟因對托爾多等說這個多爾濟就是從前跟齊墨特等進藏來的人前後事情他自然知道在哈密聽旨意的時候他也同在跟前你們何不問他該夷等一聞此言隨齊向多爾濟觀看多爾濟低頭不語

臣永常問多爾濟當初我們述大皇帝的旨意時候囑咐你們都好好的記了回去對噶爾日策凌說不可錯一句將來你們的人出來時我們還要問的你們都答應記得了你也在內你爲何不說呢多爾濟低了一會頭纔說當初大人們說話我是狗一般的人雖然同衆人答應了一聲離的遠實沒聽明白又問多爾濟旨意你推說不曾聽明白你們一到來時大皇帝賞你們東西你們不肯進藏回到哈密又將你們留下牧放的瘦乏馬駝倒斃的都補給病瘦的都換了肥的還賞給羊隻口糧這些恩典難道你也不知道嗎隨據托爾多接稱大皇帝這些恩典齊墨特回去都不曾說我們到了這裏多爾濟纔對我們實說了方纔大人們說大皇帝下給齊墨特的旨意齊墨特實不曾說我們裏頭的人都不知道噶爾日策凌因爲不明白纔急急打發了宰桑吹納木克來進貢奏事這個沙藏巴圖兒等六人是噶爾日策凌特爲這一件事差來在大人跟前打聽的求大人將大皇帝旨意對我們說了著他們好好的記了回去對噶爾日策凌說臣永常因思齊墨特不進藏緣故必無不告訴噶爾日策凌之理而托爾多等身爲親信頭目亦非不得與聞之人或噶爾日策凌已聞諭

旨而生愧懼之心故爲此等情狀卸罪於齊墨特等抑或齊墨特等有意捏造虛詞以避擅專回巢之罪是以並未言有旨意因人多詞異致生噶爾旦策凌之疑故差人打聽皆未可定今旣據託爾多等懇請再述聖諭如不對伊言說恐噶爾旦策凌仍有狐疑齊墨特反得有藉口臣等隨將皇上從前所降諭旨對伊等細述一遍又對夷人等說這就是大皇帝在動科爾著我們大人下給齊墨特等的旨意齊墨特等來到哈密就推說不曾聽見後來我們又對他說了一遍如今你們旣再三懇求須記明白不可說錯了臣等見該夷等聽旨已畢俱有欣喜之色似有不滿齊墨特之意惟多爾濟則甚屬畏懼不安揆多爾濟之心似有扶同齊墨特捏飾之情今對衆敗露所以害怕托爾多沙藏巴圖兒等都說大皇帝的恩典我們都纔明白了托爾多又將旨意對沙藏巴圖兒等教了兩遍說這都是大皇帝的旨意你們回去明明白白說不但錯一句使不得就是錯一個字也了不得的從前我們的人已經辦糊塗了這一次再錯就是我們的罪了臣永常因見夷人等甚屬恭順隨與以酒食等物伊等食畢欣悅而去所有語言情形臣等謹奏聞伏祈皇上睿鑒施行謹奏乾隆七年

正月二十七日硃批知道了

駐劄哈密辦理事務理藩院員外郎臣富松

總統駐防哈密等處官兵安西提督仍帶降三級留任臣永常

駐劄哈密辦理事務理藩院主事臣法保

永常摺

總統駐防哈密等處官兵安西提督仍帶降三級留任奴才永常謹奏爲奏聞事本年正月二十四日夷使宰桑吹納木克差人送馬二匹又噶爾旦策凌親信用事之人托爾多麻木各送馬一匹與奴才隨諭以汝等遠來正需馬匹應仍牽回對你宰桑等說我心領了罷伊等復再三懇求奴才因見其意似出於至誠未便深拒隨行收受將送馬來之五人每名各賞布二疋茶一封與其宰桑等共緘十六疋茶葉十六封伊等情形甚爲欣悅所有奴才收受夷使馬匹緣由理合據實奏聞伏祈皇上睿鑒施行謹奏乾隆七年正月二十七日硃批覽

永常摺二

總統駐防哈密等處官兵安西提督仍帶降三級留任奴才永常謹奏爲防冬已過欽遵硃批恭請聖訓事竊奴才乾隆六年八月二十一日於奏送準噶爾處脫出回民捏雜爾等摺內奉到硃批諭旨知道了目今往藏熬茶之人又稱不得貿易欲中路而回此事雖在未定然彼若執意欲返亦無留彼之理當聽其歸耳若至哈密汝等當以失信大義責之約束出境毋令生事不必似來時之款待而彼出境之後更宜小心防守須過今冬再請旨可也仍將夷使情形備悉奏聞欽此奴才隨欽遵辦理業將嚴飭卡汛更加小心緣由具摺奏聞嗣於回巢夷使出境之後奴才與甘提臣李繩武將責以失信並其語言情形亦備悉奏聞在案茲仰賴我皇上天恩廣被遠夷懾服已過三冬邊疆寧謐奴才仍飭官弁兵丁照舊稽查撥汎不得稍生怠惰之心瞭望巡防時刻常懷有事之想時因防冬已過理合欽遵硃批奏聞請旨伏祈皇上睿鑒訓示施行謹奏乾隆七年正月二十七日硃批知道了

黃廷桂摺

甘肅巡撫臣黃廷桂謹奏爲奏聞事竊查夷使吹納木克等隨帶貨物經督臣尹繼善奏准在肅交易仍照上年東科爾之例而行節經備行署肅州鎮黃正位肅州道鈕廷彩遵照辦理並令署金塔協參將王大章署肅州知州陳世芳協辦在案茲據該鎮道報稱夷使吹納木克於本年五月二十二日自京抵肅其皮張各價值做照東料爾之例辦理收買至所帶之綠葡萄羚羊角礪砂等物不入交易官不收買該夷人因起身回巢減價貨賣隨諭令商民聽其交易商民內有自携布疋綢線及各色零星物件易換者亦有資本無多先在官物內借給交易立限歸還者葡萄等物俱已陸續易完查夷使原來馬四十七匹內該夷挑原馬三十四匹肅州鎮標營中換給馬一十七匹原來駝五百五十七隻內該夷挑原駝四百一十隻肅州鎮標營中換給駝五十六隻尙該九十一隻令伊在甘提安西肅鎮等營駝預備九百餘隻內任其挑選而該夷等以羚羊角葡萄礪砂盡已賣完止用馱載駝三百二隻尙餘已挑之駝一百六十四

隻是以將駝九十一隻必欲變賣因一時無人承買竟欲棄駝而走經肅州鎮中營每隻用價銀二十一兩將駝買存其沿途一切供應裹帶照例備辦供支臨行復設筵厚餞該夷等於六月十七日自肅起身出口回巢等情到臣除交易各夷貨及用過銀兩綢緞細數行令分晰造冊到日另核送部外所有夷使自肅起身日期及交易過緣由理合恭摺奏聞抑臣更有請者交易一事原係皇恩寬大撫恤遠夷並非利其所有無如夷性狡詐貪得無厭前貨未銷後貨復至陳陳相繼歲益加增查每次交易各貨除陝省分變七分外甘省分變三分惟緣地處邊徼土瘠民貧服飾樸陋其禦寒所衣者粗褐毡片及老羊皮張而已而輕裘細暖卽一二有力之家亦多吝而不購至於葡萄礪砂羚羊角尤非所需此民間之難於銷變者也沿邊一帶素產皮張毛深溫厚價值頗廉足供商販貿易流通之用若夷使所携皮張既多平常作價又昂商人每虞虧折不肯認買而礪砂等物更非常用之貨轉售維艱益生觀望此商賈之難于銷變者也惟有大小文武官員酌量分買但製備一次即可用及數載豈能年年常買卽買亦屬無幾是以乾隆三年肅州交易各貨甘省分變共該銀三千二

百五十餘兩至今尚有各屬及舖戶拖欠未完銀三百九十餘兩而原分礪砂四十三斤該銀三十八兩零現存未變又乾隆四年肅州交易各貨甘省分變共該銀一萬三千七百有零內綠葡萄一項即減虧本銀三千一百九十餘兩前經督臣尹繼善奏請悉准報部據實開銷以免兩省官民賠累廷議未允至今懸項又已變各貨內拖欠未完銀八百二十餘兩尚有存貯未變皮張及礪砂羚羊角共該銀五千三十餘兩又乾隆六年西寧東科爾交易甘省分變共該銀二萬五千九百一十餘兩其羚羊角礪砂現存未變大小狐皮尙存一萬八千餘張是甘省歷年分領各貨尙在無法銷變現今肅州又有交易貨物不惟皮張久存必致蟲蛀毛脫卽礪砂羚羊角雖可收貯若年久亦難免乾枯消耗之虞尙不籌酌變通仍令甘省分銷商民旣難強派官員無力疊賠新陳堆積原本愈虧公項久懸殊非慎重錢糧之道臣思分銷夷貨原係公務與其壅滯一處致國帑無以補苴何如散之鄰省使貨物咸歸有用查接壤之河南山西山東直隸等省閩閩饒裕商賈輻輳出脫較易旣不等於天末之窮邊又各色皮張該省素不出產俱係客商四外發運重價貨賣若將甘省應分夷貨皮

張酌量分發較之本地鋪戶價既便宜人自樂買且數省分變爲數不多衆擊
易舉銷售更速一轉移間則夷貨不苦陳因公項立可完補實屬有益至分發
各省不無運脚之需應即於各貨價內略添些微便敷應用無庸請銷脚價其
各省變價銀兩若令運甘還項長途往返轉滋糜費應請照例收貯該省藩庫
撥用其甘省用過銀兩報部作正開銷更屬兩便但事屬瑣細不敢仰請諭旨
可否容臣咨商各省督撫臣分發酌變俟辦理事竣另行分晰奏聞伏乞皇上
睿鑒謹奏乾隆七年六月二十七日硃批此原係汝等自爲辦理之事也

趙雲鵬捏造圖記誣騙錢文案

吳紹詩摺

江西巡撫臣吳紹詩謹奏爲遵旨查明覆奏事竊臣承准大學士公傅恒大學士尹繼善字寄乾隆二十三年十月二十七日奉上諭刑部審擬捏造圖記誣騙錢文之趙雲鵬一摺已照部議完結至摺內有直隸文安縣民李仰尼圖免本地差役謀求執照一節殊屬可異現在各省地方丁賦皆有定籍凡遇公事絲毫不以累民並無撥派徭役之事即以雲南進剿緬匪而論京兵所過雖不無稍資民力尙且官爲給值此外復有何事必須驅役平民况李仰尼籍隸文安並非驛路經由之地與兵差更無干涉今李仰尼肯出私錢圖免差役必係該地方官有藉端擾累情事其所關於民生吏治者甚大不可不澈底跟究著楊廷璋詳悉查明覆奏並查通省情形據實奏聞毋得稍存隱飾所有案內未到之劉大小子一犯著富明安速緝解部並交鄂寶於到任後遍行查明具奏至各省或尙有因公差派名色及不肖有司借名抑勒閭閻之處並著傳諭各該督撫一體實力查察將實在情形若何詳悉具摺奏聞欽此欽遵臣查江西

力役丁銀久與田賦並徵並無差徭名色臣任內時時申嚴因公派累之禁現在並無訪聞告發之事惟是幅幘廣闊竊恐耳目未周難保弊端盡絕欽蒙諭旨下詢當行藩臬兩司移行道府確查去後茲據陞任布政史揆義等詳覆前來臣細加察核江西雜派差役久經革除一切往來水陸差使及起運接遞等項例應驛站應付者俱各有額設夫船如不敷用又例得動支裁存銀兩雇募應用此外衝僻各處遇有地方公務及工程等事需用人役工匠如應動帑項照例給發如應行捐備概係按照民價公平支給各飭道府就近稽查督催並無抑勒滋擾舖戶居民亦稔知例有明禁不肯受其勒派惟濱臨江湖田地專藉圩堤捍衛向來農隙之時田主佃戶協同培修以禦夏秋雨水經管水利之員查催工竣報明道府勘驗此係小民自衛田畝與公事差派不同至民間地保役賤事多各處鄉民間有畏充求免者江西地保向係里民公舉承充官無抑勒至隆冬之時支更守柵以防宵小此則閭閻互相守望均非官爲差派以上實通省現在情形委無民間畏避差徭出錢求照圖免之事臣仍督同司道府州等不時訪察如不肖有司敢於藉公科派及濫行役使短價病民等弊定

即據實嚴參不敢稍事姑息以清吏治臣謹會同兩江督臣高晉合詞恭摺覆奏伏乞皇上睿鑒謹奏乾隆三十三年十二月二十一日硃批知道了

阿桂摺
明德摺

臣阿桂臣明德謹奏爲遵旨奏覆事乾隆三十三年十二月初五日承准大學士傅恒等字寄乾隆三十三年十月二十七日奉上諭刑部審擬捏造圖記誑騙錢文之趙雲鵬一摺已照部議完結云云（中略見前）欽此遵旨寄信到臣等伏查滇省自用兵以來送兵運糧及解送軍裝等項雖有需用夫馬以資民力之處向來俱係按照定例給發雇值本年四月內仰蒙皇上天恩將一切夫馬槩行加價又蒙聖恩俯念民艱特賞銀三十萬兩經阿里袞會同臣明德奏明派發各站均勻攤給尙有餘剩銀十餘萬兩奏明留爲來年之用臣明德在滇半載時刻留心嚴密稽查從未聞地方官有藉端擾累情事臣阿桂自入滇境到永昌經由之路即係兵行糧運總路沿途留心訪察亦未聞各州縣有撥派徭役之事茲奉諭旨垂詢臣等嗣後更加實力查察倘有不肖有司因公差

派借名抑勒閩閩情弊臣等立即飛章參奏嚴拿治罪外所有滇省現在並無前項情弊緣由理合恭摺奏覆伏乞皇上睿鑒謹奏乾隆二十三年十二月二十六日硃批覽

崔應階摺

閩浙總督臣崔應階跪奏爲奏覆事本年十一月十一日承准大學士公傅恒大學士尹繼善字寄內開乾隆三十三年十月二十七日奉上諭刑部審擬捏造圖記誣騙錢文之趙雲鵬一摺已照部議完結云云（中略見前）欽此遵旨寄信到臣臣查閩浙兩省凡有差使俱係官爲備辦臣訪察未聞有因公差派抑勒閩閩之事但臣耳目有限或恐查察未週亦屬事所難定現奉諭旨當卽恭錄移知兩省撫臣欽遵並飭閩浙各司道等一體留心密行查訪將實在情形據實具覆俟覆到再行具奏外所有臣奉到諭旨及移行欽遵緣由理合恭摺奏覆伏乞皇上睿鑒謹奏乾隆三十三年十二月二十七日硃批覽

馮鈐摺

安徽巡撫降七級又降二級從寬留任臣馮鈐謹奏爲遵旨查察實在情形據實覆奏事竊臣接准督臣高晉錄送廷寄內開大學士公傅恒大學士尹繼善字寄乾隆三十三年十月二十七日奉上諭刑部審擬捏造圖記誣騙錢文之趙雲鵬一摺已照部議完結云云(中略見前)欽此臣查安徽地方丁歸地賦定額徵收一切徭役久經革除凡有公事需用工匠夫役悉照民間價值雇募應用從無因公派差名色茲奉諭旨飭查誠恐不肖有司私踵陋弊或有借名抑勒擾累閭閻之處隨卽札飭布政使並各道府州查察詳報去後今據布政使陳輝祖詳據安慶等各府州覆稱查得衝途有驛州縣應付勘合火牌擡送餉鞘等項俱用額設站夫如有不敷添雇民夫照例按站給銀於驛站項下造報開銷如無勘合火牌者例不應付其偏僻各州縣遇有過往差使以及上司官員經過俱係自行雇夫地方官並不應付如遇興建工程皆係動項修理所需工匠夫役照估發銀從無因公派夫擾累閭閻之處惟有修築圩堤疏濬塘堰向係百姓按田出夫自爲修理地方官不過督催查驗亦無抑勒科派情事

至於舉報鄉保出夫守夜均係民間自行經理之事並非官爲派擾此外並無需用民力之處亦無不肖有司借名抑勒情事等情彙詳到臣臣復細加察訪該司所詳俱係安徽實在情形但地方各官賢愚不等臣惟有勤加查察倘有不肖有司借端擾累等弊卽當據實嚴參以肅吏治斷不敢稍有姑容致累閩閩所有查明安徽並無因公差派緣由臣謹會同署兩江督臣彭寶恭摺覆奏伏乞皇上睿鑒謹奏乾隆三十三年十二月二十九日硃批覽

鄂寶摺

山西巡撫臣鄂寶謹奏爲遵旨查明覆奏事乾隆三十三年十一月初八日承准大學士公傅恒等字寄十月二十七日奉上諭刑部審擬捏造圖記誣騙錢文之趙雲鵬一摺已照部議完結云云（中略見前）欽此欽遵寄信前來經前護撫臣富明安轉飭查辦臣到任後又復節次嚴飭確查去後茲據藩臬兩司通飭各屬查明詳覆前來臣查晉省地方雖西達陝甘北通邊外並無緊要大差卽有馳遞公文並新疆過往人員各該驛所設夫馬本屬充裕無需取資民

間惟餉鞘經過及往返差務或一時並集該站夫役偶有不敷添用民夫亦係按日給價從無白役平民至地方無別項工作惟修理城垣用夫較多亦俱動帑給值不但無累民之事貧民赴工力作轉得藉此糊口他如州縣丁賦皆有定籍民所素知正項以外本無雜派差徭是力役之征晉省並無其事再查劉大小子一犯經護撫臣富明安前奉上諭嚴飭臨汾縣查拿因並無其人當經移咨刑部並直隸督臣查取案犯供詞去後續經咨送同案之趙雲鵬等供內亦俱堅稱不知劉大小子的名住址臣因該犯雖無住址但有年貌可憑不難物色節次嚴飭各屬差緝務獲又恐此等人犯本係萍踪仍在直隸等處潛藏亦未可定復經移咨一體協緝一俟緝獲即行解部辦理合併陳明伏乞皇上睿鑒謹奏乾隆三十四年正月二十八日硃批知道了

吳達善
義摺

湖廣總督臣吳達善謹奏為遵旨覆奏事案奉上諭刑部審擬捏造圖記誑騙署湖北巡撫臣揆義

錢文之趙雲鵬一摺已照部議完結云云（中略見前）欽此欽遵當經前督撫

臣行司通飭確查去後臣等抵任一面查案飭催一面留心訪察茲據湖北布政使閔鶚元等准據各道府查明詳覆前來臣等伏查湖北所屬州縣丁賦均有定籍每遇地方公事概係官給僱價並無私派徭役之名即辦理赴滇官兵差務凡需用人夫馬騾船隻等項悉照現定章程給發價值本無苦累復屢蒙皇上浩蕩天恩賞賚銀兩格外優恤一切俱有公項可動地方各官無從藉詞抑勒差派此外尋常公務更何敢藉端擾累自干重譴此係實在情形但臣等不敢疎於查察惟隨時隨事督飭各該管道府嚴密體訪倘有不肖官吏敢於作奸犯科者一有必懲務期各知大法小廉弊絕民安以仰副聖主肅清吏治嘉惠元元之至意所有欽奉諭旨查明緣由理合會摺覆奏伏祈皇上睿鑒謹奏乾隆三十四年三月十八日硃批覽

阿思哈摺

河南巡撫降二級留任臣阿思哈謹奏爲遵旨查明覆奏事承准大學士公傳恒等寄字乾隆三十三年十月二十七日奉上諭刑部審擬捏造圖記誑騙錢

文之趙雲鵬一摺已照部議完結云云（中略見前）欽此遵旨寄信前來臣查賦役之設自古爲然有田產稅糧而當差乃役出于賦者也無田產稅糧止當本身雜項差徭乃役出于丁者也我朝聖聖相承洞悉利弊將丁銀派歸地糧以恤無田之民凡國家差務皆係發帑辦理並無絲毫擾累閭閻曠典希逢民間久不知有徭役矣豫省如黃河修防辦料雇夫歷來俱照常給價近年進剿緬匪雇用車馬亦係動項支給從不累民即有偶資民力之處復蒙聖恩屢加厚賞百姓生于此時樂利相安感淪肌髓惟地方修築堤埝疏濬溝渠以及培植路柳平治道途州縣農隙時督率農民分就地段聽其自行酌辦並非派押又如支更守柵等事係百姓自衛室家各按烟戶輪流承值內有老疾寡婦子孫尙未成丁者例猶免役此外不特並無因公差派之事即有司亦不能借名抑勒臣與各司道實力查察現在委無前項弊端唯恐後此不肖官吏保無藉事生波擾累閭閻之處當督同司道加意體訪嚴行參處不敢稍爲徇隱以副皇上剔弊安良至意所有實在情形相應遵旨詳悉具摺覆奏伏祈聖鑒謹奏

乾隆三十四年三月二十六日硃批知道了

羅教案

雅爾哈善摺

浙江巡撫革職留任臣覺羅雅爾哈善謹奏爲恭報拿獲羅教吃齋人犯現在查辦情形仰祈睿鑒事乾隆十八年六月二十六日據寧波府知府胡邦祐鄞縣知縣宋鑒稟稱訪有傳習羅教自稱龍華會之曹進侯茹素納錢哄誘民人勵明遠兵丁陳祿柴斌張永堯等入會當卽會同提標參將王瑞拿獲曹進侯訊據供稱今年八十八歲有掌教周喜吉法名普棟引人入教隨往周喜吉家搜出大小乘法引及護道榜文板片會簿愿單經卷三世因由等書據周喜吉供稱今年七十二歲係伊妻父李必達傳下念羅教經吃齋行善浙江祖師姚文字法名普善是羅祖轉世在處州慶元縣松源東隅地方悟道又悟坐功頭一層功夫名小乘念廿八字偈語第二層工夫名大乘一百八字偈語上乘沒偈語單是坐功學小乘送香資三分三厘大乘一錢二分上乘一兩以六錢七分供佛三錢三分送老祖堂老祖堂是姚普善留下的在温州我沒去過有孔殷懋知道普善祖師留下中左右三支俱以禮義廉恥孝忠和七字爲序普善

是中支這裏是義字揚州人李建侯法名普祿將有百年了普祿後有七人是普瑞普馨普在普奇普盛普爵普棟普棟就是我普爵是曹進侯現存只有我同曹進侯二人了這教不論男婦老幼法名俱以普字爲行并審據供出被誘吃齋入會及聞查自首之鄔忠淵鄔文義鄔文質鄔大章曹天相葛國賢葛希芳邵子孝徐星占貝文元杜光耀陳聖佐陳禮昂鄔方氏鄔王氏吳全氏朱生黃馮鼎臣等俱經訊明實止吃齋並非設立教堂亦無聚衆生事至護道榜文據周喜吉供係聽說是早年從京城黨家鋪買來刊板印用又說是歷代交下又說是黨尙書傳出交下又據曹進侯供稱榜文是早年杭州西湖瑪瑙寺買來的還有杭州徐宏文家也有祖堂是姚普仁掌教的等情臣查閱三世因由一書一世羅因二世殷繼南三世姚文字自稱三祖大概以勸善爲事語甚鄙俚因其取香資無多人易信從乾隆十三年福建查辦叛犯魏現一案搜出老官齋書籍即有三世因由一本究其源流據稱祖堂在浙江處州慶元縣及温州永嘉縣經督臣喀爾吉善奏明查拿拆毀教堂將姚文字之孫姚必起擬絞監候姚起郎流徙烏喇奉教各犯勒限自首准其去邪歸正在案今寧波仍傳

其教哄誘鄉愚甚屬不法經臣嚴檄溫處道朱椿杭州府知府吳作哲飛拿姚普善之孫姚必彪徐宏文等究問實情確查有無教堂經板去後茲據稟覆已將姚必彪徐宏文家搜查並無經卷邪書教堂又嚴查瑪瑙寺亦無發賣此項榜文之事姚必彪等俱經去邪歸正徐宏文等久無其人查羅教龍華會即老官齋之別名屢奉查禁乃周喜吉等仍將舊存捏造榜文大小乘法板片藏匿家中藉稱勸善圖得香資若不澈底查懲將來引誘人衆恐奸匪竄入其中或致滋事臣卽飛飭寧紹台道德魁溫處道朱椿督同府縣就近查審如入會男婦僅止念佛吃齋並無別故並自行投首者取具的保詳請發落所存大小乘法等項全數交官銷燬其創會設堂招人入會歛錢肥己之首從要犯提解省城臣督同兩司細加嚴鞫務得騙錢入會有無生事追究榜文來歷實情分別從重定擬以期杜絕根株不使滋蔓以靖地方合將搜出捏造榜文並大小乘法引板片各刷一紙恭呈御覽伏祈皇上訓示遵行再臣等督撫司道及地方文武各官失察羅教例有處分應俟此案審竣查明在任月日開列應參職名候部議處合並陳明謹奏乾隆十八年七月十九日硃批知道了

喀爾吉善摺

閩浙總督革職留任又從寬留任臣喀爾吉善謹奏爲奏明浙省羅教復有流傳現在查拿究懲事竊照羅教根源起於前代浙江慶元縣奸民姚文宇妄譏三世因經卷大小乘偈語及坐功悟道種種邪說誣世惑民至深且久臣於乾隆十三年間查辦閩省建匪案內究明老官齋即羅教源流將慶元縣姚姓子孫姚必起等照例定擬分別治罪並令地方官凡係姚姓子孫居住之地嚴行稽查管束不許復出傳教在案本年六月內接准浙江提臣史弘蘊來札訪查寧郡地方有老民周喜吉曹進侯等倡立龍華會邪教招引男婦入會吃齋誦經營兵亦有入會誦經者其法名皆以普字排行搜查周喜吉家內有三世因經卷並大小乘法引榜文等書追究其教係傳自温州姚姓現在分遣文武查拿等語臣察核搜出經卷並法名排行卽係羅教餘孽一面將羅教源流札知提臣查辦一面飛飭寧郡道府嚴究有無爲匪情事並開堂傳教奸民去後旋據寧波府知府胡邦祐訊供詳報曹進侯年已八十餘歲周喜吉亦七十餘歲

周喜吉現爲甯郡教首是以家內藏有羅教經卷及護道榜文等書無論老少男婦入會致送香資吃齋誦經勸人爲善並無別項詭秘情事其祖堂係傳自温州永嘉縣姚姓同教之人各郡皆有現據供有姓名住址者分別關拿究追等情復據溫處道朱椿稟報提督差員赴溫查拿寧郡邪教供出温州居住之姚姓立即差員會同搜拿姚姓子孫居住永嘉者原止數家皆係生監遍搜家內止有尋常經書佛像並無羅教經卷復差員會同馳往原籍慶元縣搜查姚姓祖居各家並姚文字即普善墳前廟宇亦無羅教經卷及收取香租簿籍訊據姚姓子孫咸供自乾隆十二年閩省老官齋發覺之後查拿姚文字子孫分別治罪并搜查一切經像銷燬實無遺存亦無姚姓子孫在外收取香租之人續接撫臣雅爾哈善來札寧郡訊出邪教周喜吉所供各屬同教之人查拿都係久經身故所訊供情多未確實業經檄提來省細加嚴鞫務得實情分別辦理等因到臣臣查邪教惑民一有開堂引誘之人即恐引類呼朋日漸聚集匪類竄入其中遂有乘機爲匪之事不可不嚴切根究凡係開堂傳教及歛取香租之奸民必當逐一究出從嚴治罪即溫處兩郡居住之姚文字子孫雖經搜

查並無傳教收租踪跡但有無托名在外招引收租傳教之事亦應嚴加治究以絕根株至於愚婦愚夫無知信從入教吃齋原無別情者乾隆十三年臣曾經奏蒙俞允許令自行投首改邪歸正現在撫臣亦經查照辦理容俟查審確實情節另摺奏聞至羅教查禁已久地方文武不能實力查禁例有處分現飭查開歷任失察職名隨案參送候部議處合并陳明伏祈聖鑒謹奏乾隆十八年八月初六日硃批知道了

黃佔等搶取蘇祿貢使貨物案

喀爾吉善
潘思榘摺

閩浙總督臣喀爾吉善
福建巡撫臣潘思榘謹奏爲遵旨查明具奏事乾隆十二年十月二十八日

兵部火票遞到大學士張廷玉訥親尙書傅恒字寄乾隆十二年十月初四日

奉上諭據新柱奏本年八月蘇祿國遣番丁鬱朗等來閩據該國王咨內稱前

貢使勝獨喊敏在呂宋之時探知甲黎司爺黃佔係漳州龍溪縣石尾鄉居住

見有妻子胞叔黃照前經任呂宋甲必丹胞弟黃令黃罕彼時亦在呂宋營商

今三人俱已回家前咨敢請裁奪又武廚安力等謝恩事竣祈配搭早船返國

等語看此情節是該國王之意以呂宋夷目搶奪一事中國未經代爲申理是

以再行咨請但思瀕海省分皆接壤外洋其島夷互相爭奪等事只可聽其自

行辦理未便有所袒護嗣後如遇此等事件惟有曉以大義俾知中國體制不

敢分外干求至於內地民人私越外洋勾結滋事甚有關係可傳諭該督撫當

遵照定例一應海口嚴密稽查不得一任屬員虛應故事其馬光明等挾嫌搆

毀據該撫等審擬僉配並咨明該國王告以馬光明等因在內地犯事且係內

地之人與該國無涉亦只應如此辦理惟是馬光明陳朝盛二犯雖擬僉發此等棍徒在配所亦未必安靜或致更滋事端著掣回解京交部拘禁再本年三月內陳大受奏已飭布政使將審擬馬光明情由咨明該國王何以該國王至今尙未知悉且夷使武廚安力等何以尙留廈門未遣歸國又該撫前奏呂宋番目黃佔從來未入內地今該國咨稱黃佔現有妻子住居龍溪更有胞叔黃照曾爲呂宋甲必丹今已回家是否實情著一併查明具摺奏聞欽此欽遵到臣喀爾吉善隨於十一月初十日會同陞任撫臣陳大受先將現在檄提馬光明等到省咨解赴部並俟冬末春初風汛順利遣令番丁等回國緣由繕摺覆奏并聲明黃佔有無妻子住居龍溪胞叔黃照果否曾爲呂宋甲必丹各情節俟嚴查確情另摺覆奏奉到硃批覽奏俱悉欽此欽遵在案嗣據龍溪縣知縣袁本濂查明黃佔係已故黃紫繼妻鄭氏內地所生之子與黃令黃罕同胞兄弟康熙五十八年黃紫帶往呂宋雍正四年由廣東回家娶妻王氏次年復往呂宋至今二十餘年未回內地伊妻王氏抱養二子一名黃妍一名黃轉其黃照係黃佔族叔并非胞叔康熙五十六年曾往呂宋六十年輪當呂宋甲必丹

雍正五年回家至今二十餘年並未再往呂宋等情臣喀爾吉善查上年陞任撫臣陳大受飭行提犯赴省審訊馬光明與黃令等訐告一案黃令等咸供黃佔係黃紫在番所生之子與伊乃同父異母兄弟并未來內地等語復行查原籍龍溪縣據別案參革知縣章璠取具里隣族長供結與黃令等所供相符今查覆情節與前審大相逕庭復經檄飭布按兩司委令廈防同知胡格會同現任龍溪縣嚴審實情去後臣潘思渠蒞任後欽遵上年十月間在安慶巡撫任內接到內廷封寄本案上諭查案會同飭辦茲據署布政使永寧按察使雅爾哈善飭訊明白黃佔實係黃紫繼妻鄭氏在內地所生之子與黃令黃罕同胞兄弟有妻王氏抱養二子現住龍溪縣石尾鄉至今二十餘年未來內地上年在省審訊時因馬光明陳梧等倚藉蘇祿國王聲勢百端嚇詐畏其拖累不敢直供雖黃佔有無在呂宋生事原與內地妻子兄弟無干但不供吐實情應將監生黃令黃罕族長黃斯獻均發學戒責黃斯獻年逾七十照律寬免鄉保隣佑均照律杖責其從前不行確查據結率覆之龍溪縣知縣已經別案參革毋庸置議至黃照實係黃佔族叔現在黃照捐監三代履歷可查並非胞叔康熙

六十年曾在呂宋輪當甲必丹雍正五年回家之後並未再往黃令黃罕亦從未到過呂宋各等情前來臣等查黃佔既係黃紫內地所生之子又曾娶有妻室抱養二子上年審訊之時乃供係外番所生并未來至內地實屬捏飾但馬光明等所指黃佔在呂宋搬搶貨物之事既屬無憑無據內地即有妻子亦難向伊等推究况蘇祿國王何由知黃佔內地妻子確實下落即係馬光明等朋比爲奸通信該國另生枝節冀圖拖累至黃照久已回至內地從前節次該國王咨內并無其名忽又添出更難任其譸張爲幻從前不行據實供明之黃令黃罕並族長隣佑臣等業經批令照例治罪並令地方官嚴著地保族隣不時稽查如黃佔回至內地即據實報明不許復令往番滋釁所有遵旨查明實情理合繕摺具奏至內地民人私越外洋勾結滋事應作何立法稽查之處臣喀爾吉善於上年巡查漳泉一帶親加訪詢情形諭令汀漳興泉二道悉心定議立法稽查現在臣潘思榘會同飭發藩臬兩司再加斟酌妥協詳定章程另行奏聞再蘇祿國夷使武廚安力等並續來之番丁鬱朗等業經配搭金德順洋船於正月廿一日護送出口回國該國王咨文均經繕給齎回馬光明等三犯

亦於二月初五日委員護解赴部謹奏乾隆十三年四月初二日硃批知道了

喀爾吉善 摺二

閩浙總督臣喀爾吉善
福建巡撫臣潘思榘

謹奏爲奏明事竊照蘇祿國王兩次遣夷使武廚安力

並番丁欒朗等齎咨來厦求究黃佔等在呂宋搶取貢使貨物並探問馬光明等回國信息經奉諭旨令將馬光明等在內地犯事與該國王無涉緣由咨明

該國王並速遣夷使番丁等回國嗣於本年正月內風汎順利卽遵旨給與咨

文遣令武廚安力等附搭金德順洋船回國經臣等於四月內附摺奏明在案

茲於閏七月十一日據厦門署同知許逢元稟報七月三十日洋船戶金德順

由蘇祿國回厦齎有蘇祿國王蘇老丹麻喊末阿稟勝寧咨文內開乾隆十三

年二月十八日據武廚安力等帶來咨文貢使馬光明通事陳朝盛等齎表謝

恩之便捏詞轉告陳朝盛隨聲附和恐嚇黃令等取財未允又段冉末捏告洋

行邱時觀睹博既有此罔法爲奸天朝法度森嚴律應如例其段冉末等敝國

已經懲治在案敝國現欲整船前往呂宋取討前次寵錫龍物但思謝表未瀆

宸聽惟恐獲罪敢祈轉奏聲明俟明年呂宋回國備修職貢並具表謝恩爲此
備咨等因稟報到臣等並准水師提臣張天駿咨據興泉永道劉良璧稟均接
有該國王咨文情詞無異臣等查蘇祿國王因上屆貢使船隻被風飄收呂宋
彼處番人將貨物扣留屢次令夷使武廚安力及馬光明等來至內地意欲天
朝向呂宋取回貨物經臣等以事涉外番一面之詞難以憑信節經奏明令該
國王自向呂宋清理欽奉聖諭只可聽其自行辦理未便有所袒護臣等欽遵
諭旨給與咨文明白曉以大義今該國王即自赴呂宋取討賜物其番丁在厦
捏告賭博者亦即治以彼國法度並因謝表未經轉達天聽恐干罪愆復請轉
奏閱其情詞頗爲恭順臣等現在批令道廳俟有蘇祿便船給與回咨外理合
繕摺具奏伏祈皇上睿鑒謹奏乾隆十三年閏七月十七日硃批知道了

喀爾吉善
潘思榘摺二

閩浙總督臣喀爾吉善
福建巡撫臣潘思榘謹奏爲遵旨查明據實覆奏事乾隆十三年五月二十

日承准大學士伯張廷玉協辦大學士尙書傅恒字寄乾隆十三年四月二十

五日奉上諭據喀爾吉善等覆奏馬光明託告黃佔一案從前黃佔審係黃紫在番所生之子後又訊係內地所生情節大相逕庭今雖據奏問明黃佔乃黃紫繼妻鄭氏所生實在內地但供內所稱上年在省審訊因馬光明陳梧等倚藉蘇祿國王聲勢百端嚇詐畏其拖累不敢直供等語看來尙未明確瀕海省分與外洋島夷接壤內地民人私越勾結往往藉中國聲威以欺懾番民豈有身在內地轉云倚藉蘇祿國王聲勢畏其拖累之理可傳諭喀爾吉善等此案事涉外夷有關國體應悉心查明據實奏聞欽此欽遵到臣等隨經檄行布按二司轉飭再行嚴究確情去後茲於閏七月初十日據署布政使永寧按察使雅爾哈善詳稱行據署廈門同知許逢元龍溪縣知縣袁本濂復提齊黃佔之弟黃令黃罕並房族人等逐一嚴加詰訊據供黃佔實係黃紫內地所生之子上年馬光明控告提省質訊時因馬光明等倚藉蘇祿國聲勢百端嚇詐是以供爲外番所生希冀免得拖累後來見馬光明已蒙審出勾番生事問成流罪第二次提訊黃佔有無妻子居住龍溪不敢隱瞞只得據實供明實無別情至詰以蘇祿國王不過一外番夷長有何可畏馬光明等轉能倚藉國王聲勢欺

壓內地之人畏其拖累復據供稱馬光明不過充外國的貢使蘇祿國乃是本朝屬國原無聲勢可畏因思天朝懷柔遠人凡有番國來告的事情必然加意體恤就如馬光明同番使進貢之年路過浙江在巡撫那裏告了浙江寧波人邵士奇欠番國三千多銀子就立時追給他了馬光明等在同鄉人面前時常誇耀總是他仗著貢使天朝自然加恩於他他就是馬光明藉勢嚇詐的實情從前所供畏其聲勢希免拖累原是畏中國法度番王聲勢有何可畏等語再四鞫訊實無別情仍請照原擬發落省釋等情前來臣等查蘇祿國王叢爾島夷勤修職貢有何聲勢足爲內地民人所畏誠如聖諭內地民人藉中國聲威欺懾番民豈有轉畏蘇祿國王聲勢之理今復加詰訊黃佔之弟黃令黃罕及族衆等咸稱馬光明藉充貢使妄意天朝必加恩體恤欺詐鄉里伊等是以畏其拖累馬光明平素借天朝加惠遠人之恩意卽爲欺詐鄉里之左券揆之奸徒譎詐情形事所或有黃令等前次所供倚藉蘇祿國王聲勢正是畏我中國法度實無別項情節除行令將人犯照原擬分別發落省釋外謹將查明實情據實覆奏伏祈睿鑒施行謹奏乾隆十三年閏七月十七日硃批知道了

高樸私鬻玉石案

勒爾謹摺八

陝甘總督奴才勒爾謹跪奏爲恭謝天恩事竊奴才承准大學士公阿桂大學士于敏中字寄乾隆四十三年十月二十日奉上諭前據畢沅奏在西安省城搜獲私販玉石之吳芑洲等七人並起出大小玉石一千三百餘斤一案已節次傳諭畢沅將該犯等解京審辦矣此項玉石運販在前固非高樸偷販之玉但回疆私販玉石久經查禁伊等必不能越嘉峪關而過即如畢沅在西安省城查獲吳芑洲等七犯大小玉石一千三百餘斤伊等所帶之玉必須經過甘肅地方至陝西何以畢沅尙能查獲而勒爾謹竟聽其坦行無阻是勒爾謹於查詰玉石一事全然不以爲意並未遵照辦理其錯謬甚大前因其拏獲趙鄉約時不將其所帶玉石切實跟究已降旨嚴飭令其自行議罪今此案又復如此其罪更浮於畢沅著再傳旨嚴行申飭令其捫心自問必如何而可稍蔽其辜切實自行議罪迅速由驛覆奏將此由六百里傳諭知之欽此遵旨寄信前來奴才跪讀之下瞻望闕廷免冠叩首自問何人仰蒙我聖主曲賜矜全予以

自新之路惶悚感戴無地自容伏思高樸偷販玉石由甘行走奴才失於覺察而獲犯後又未能迅速跟究前蒙恩旨令自行議罪奴才奏請交銀四萬兩以示薄懲但尚有各商運販在前奴才毫無聞見似此屢獲愆尤即將應得養廉全不准支亦屬分所應得但奴才每歲辦公實無所出合無仰懇皇上格外天恩將奴才每年應領養廉銀二萬兩內按年扣除一萬兩稍贖前罪如蒙恩准奴才卽節知藩司照數扣存每歲年底由奴才處委員解交內務府奴才惟有諸事認真以期仰副聖主逾格優容之至意所有奴才感悚下忱及自行議罪緣由謹遵旨由驛恭摺具奏伏祈皇上睿鑒謹奏乾隆四十三年十月二十六日硃批覽

西寧摺

奴才西寧跪奏爲遵旨明白回奏仰祈聖鑒事竊奴才於本年十月二十五日接准兵部火票遞到軍機大臣尙書公福隆安侍郎和坤傳諭內開乾隆四十四年十月二十三日奉上諭高樸在葉爾羌串同商人販賣私玉貪婪狼藉各

款實出情理之外爲從來所未有西寧雖係高樸堂伯但相隔甚遠朕不肯因其姪而累及即李福至高晉署中遞信及高晉給與護牌之事高晉之咎實無可辭已令高晉自行議罪矣然西寧係高晉親兄朕亦不肯因而相累本日軍機大臣訊與高樸通同販玉之張鑾據供今年三月同高樸家人李福路過江寧先到總督衙門送信復到基厚織造衙門請安復訊據李福亦稱前往織造衙門適值四爺上轎出門我就在衙門口迎上請安回明赴蘇辦貢的話並將書信面交等語李福既至基厚署中並過基厚所管之地基厚毫無盤詰當時既不奏聞事後又不舉首實屬徇私負恩已傳諭基厚令其明白回奏基厚係西寧之子西寧豈得諉爲不知其將何辭以對着將張鑾李福口供抄寄西寧閱看令其明白回奏將此由四百里傳諭知之欽此並抄錄張鑾李福口供遵旨傳諭前來奴才跪讀之下悚惕戰兢莫知所措伏念奴才之姪高樸在葉爾羌貪婪無忌並私採玉石運赴江蘇售賣罔顧法紀實爲從來所未聞未見之事奴才於本年九月十九日仰蒙召見聖主諭詢奴才如夢初醒驚悸難名然彼時尚不料其差家人李福在江蘇公然以辦貢爲名投遞書信今蒙聖訓指

示奴才詳閱抄寄張鑾李福口供始知奴才之子基厚於本年三月間在江寧織造任內李福亦曾到署投書竊念基厚仰荷皇上格外天恩補授織造自應事事留心體察小心秉公以冀稍酬高厚今高樸如此貪婪不法李福既至基厚署中並過所管之地基厚毫無盤詰既未陳奏於前又未舉首於後錯謬如此實堪痛恨惟有仰懇皇上天恩將基厚交部嚴加治罪以爲徇私負恩者戒至奴才查李福投書基厚之事雖未據基厚於家信中寄知但高樸係奴才堂姪狼藉至此而奴才親弟高晉又有給與護牌之事皇上即將奴才治罪亦屬分所應得乃蒙聖主鴻慈不肯因而相累特恩寬宥不加罪譴已屬格外隆施感激涕零不能自己况基厚係奴才之子又何敢以不知自諉今奉諭旨詢問奴才昏愴糊塗實屬無辭以對惟有俯首認罪仰懇皇上天恩將奴才交部嚴加議處以示懲戒理合據實遵旨明白回奏伏乞皇上恩鑒奴才不勝戰慄恐懼之至謹奏乾隆四十三年十月二十六日硃批此豈交部所完之事汝自議來

勒爾謹
摺三

陝甘總督臣勒爾謹
陝西巡撫臣畢沅

跪奏爲審辦客商偷賣玉石請旨分別懲治仰祈聖鑒事

竊臣等先後拏獲高樸家人常永並鄉約趙鈞瑞及起獲埋藏玉石四千三百
觔現經訊供繕摺另行會奏所有前次拏獲之販玉客商吳芑洲等七名並續
獲與吳芑洲合夥之汪茂元一名遵旨覆加嚴審並與趙鈞瑞等當面對質再
四窮詰據吳芑洲等堅供各玉石或係發賣綢緞在口外阿克蘇並肅州地方
價買或係在肅州涼州蘭州等處以結欠貨賬折得玉石並或以貨換玉帶回
銷售該犯等與常永趙鈞瑞並不認識實未向伊等接買玉石質之趙鈞瑞據
供常永帶出玉石四千餘觔聞知查拏隨在各處埋藏今已全行起獲實未賣
玉與吳芑洲等亦從未認識其人不敢混扳反覆嚴審矢口不移除玉石一千
三百六十七觔前已搜獲解京外查吳芑洲等搜出玉石並無官給照票俱係
私販自應欽遵諭旨治以私販之罪但客商在口外並內地買賣玉石並無治
罪專條合無仰懇皇上勅部審明定擬分別口內口外及觔數之多寡酌定條
欵按例治罪並容臣等查明在彼處得價賣玉及貨換欠抵各銀數一併追出

解京臣等嚴飭各地方官在關津隘口實力盤詰稽查務期搜獲盡淨現在陝甘俱報有續獲私販玉石之犯俟提到之日審訊明確如實無與高樸家人等有勾通偷探情事俱可照吳芑洲等之例辦理一面奏聞一面將所獲玉石解京所有臣等公同覆審緣由謹恭摺會奏並另繕吳芑洲等供單恭呈御覽伏祈皇上睿鑒訓示遵行再先後拏獲吳芑洲等八犯仍遵前奉諭旨解京候訊其先經外出原未到案之張承現在嚴緝獲日另行審明定擬合併陳明謹奏
乾隆四十三年十月二十六日硃批已有旨了

勒爾謹摺四
畢 沅

陝甘總督臣勒爾謹跪奏為究明常永等私帶玉石確情恭摺馳奏事竊查糜子灘打澇池兩處起獲埋藏玉石四千三百餘斤業經臣等先將糜子灘起出玉石九百七十餘斤委員解京並於十月十七八等日節次恭摺奏聞在案嗣據委員固原州知州邢禮善等將打澇池起獲玉石三千三百二十餘斤並人犯押解到西安省城臣等公同研訊緣趙鈞瑞係陝西渭南縣回民向在葉爾

羌阿克蘇等處販賣雜貨充當鄉約已十八九年未歸本年三月因欲回家在高樸衙門請領路票高樸將玉石一千五百斤侍衛納蘇圖玉石五百斤高樸家人常永玉石一千斤一併交付趙鈞瑞帶赴內地售賣趙鈞瑞應允併將自己玉石五百餘斤一併裝車與常永先後起程及行抵肅州價賤未賣該犯等公同商酌如沿途不能銷售即運至蘇州變賣常永押帶玉車先行趙鈞瑞因討賬耽延隨後起身常永行至靖遠因渡口盤查甚嚴恐致敗露將玉石兩次埋於糜子灘打澇池二處旋差車戶馬萬金迎見趙鈞瑞告知前情此常永趙鈞瑞私帶官玉及沿路埋藏之實在情形也嗣常永被陝省緝獲解京趙鈞瑞等續被甘省拏獲究出埋藏玉石地方將人贓押解到案臣等詳加確審據該犯等供認前情不諱並嚴詰趙鈞瑞如何與高樸勾通作弊暨如何偷賣官玉及該犯所買之玉係向何人承買並此外有無隱匿寄頓情事據該犯趙鈞瑞堅供實因高樸勒令代賣該犯畏懼高樸勉強聽從並高樸歷次所買玉器等物並未發價及高樸將平常玉料三百二十斤派令該犯承買各緣由供吐如繪但究係該犯一面之詞恐有不實不盡必須與常永對質方成信讞現在臣

等遴委固原州知州那禮善試用知縣武先恪等將該犯趙鈞瑞車戶馬萬金寄藏人馬守賓看守贓物人馬萬龍等四犯於二十六日起程迅速押解赴京聽候質審並將打撈池起獲玉石另委員弁一併解京外謹將該犯等供詞及詰訊情由分晰開列清單恭呈御覽再打撈池地方埋藏玉石係在馬保店內馬保因患病難行留於固原調養臣等現已飛飭該地方官一俟馬保稍痊卽行押解至省補行解京合併陳明伏祈皇上睿鑒謹奏乾隆四十二年十月二十六日硃批知道了

附片

再查趙鈞瑞供出該犯在口外置有店鋪牲畜臣等已訊明經管人姓名飛咨該處大臣查抄合併奏聞硃批覽

勒爾謹摺五

陝甘總督臣勒爾謹跪奏為遵旨覆訊埋藏玉石情由恭摺覆奏事竊臣等前陝西巡撫臣畢沅

將訊過趙鈞瑞等埋藏玉石緣由恭摺具奏後正在起解人犯間承准大學士公阿桂大學士于敏中字寄乾隆四十三年十月二十一日奉上諭據勒爾謹等奏接據那禮善稟報趙鄉約馬萬金等前供在糜子灘埋藏玉石已經起出秤重九百七十八斤因與張元等在京所供不符嚴加究詰始據馬萬金供出常永等在靖遠縣屬之打澇池地方尙有埋藏玉石十一二包等語隨令軍機大臣夾訊常永據供我到土門子馬萬金等說因管馬號的衙役看出玉石要報官給了他七八百銀子纔不報了再往前途又恐盤查因將玉石分了十多包約一千來斤交我帶我即留在糜子灘馬士賓家我就空身走了隔了六七天到了瓦亭子馬萬金趕上了我問他土門子這項玉石曾否帶來他說也隨後帶來至打澇池相隔糜子灘一站他們帶的玉石或者在打澇池埋了我頭裏走實不知道等語與馬萬金所供不符著將供詞抄寄勒爾謹閱看如趙鈞瑞馬萬金等尙未起解即速嚴加究詰一面錄取確供一面查起所埋之玉卽行具奏又趙七馬萬龍二犯亦係常永供內應訊之犯亦應解京訊究著勒爾謹即派委妥員將趙鈞瑞等隔別鎖押迅速解京沿途小心管押毋稍疎懈其

打撈池曾否起獲玉石爲數若干即行具奏至土門子得賄賣放之衙役甚屬可惡並著勒爾謹查明拏獲嚴審從重究擬並將失察之地方官一並參奏將此由六百里諭令知之欽此遵旨寄信到臣臣等隨提各犯到案遵照諭旨內指示情節及常永在京供詞逐一研訊並究詰索詐銀兩之人係何姓名據馬萬金馬守賓卽馬士賓馬萬龍等供稱九月初一日常永行至涼州恐官兵盤查令馬萬金等先行初二日該犯等至大河驛有管馬號長隨蕭姓盤詰來歷措留玉石一車如不留玉石索銀一千兩馬萬金等無奈趙七隨至涼州轉借開雜貨鋪之王姓銀一千兩給蕭姓銀九百七十兩方准放行該犯等見沿途盤詰不敢前進在土門地方候見常永告知前情常永仍令每日前後行走至晚會齊十二日至靖遠縣糜子灘馬守賓家住宿常永因恐黃河渡口盤查將四千餘斤玉石放在馬守賓家用柴草遮蓋交給馬守賓馬萬龍看守並囑馬萬金俟趙鈞瑞到時令其帶往隨卽先行馬萬金隨後行走馬萬金於瓦亭趕上常永常永復令伊回至糜子灘令馬守賓等將所藏玉石設法運送過河馬萬金告知馬守賓等囑令潛運玉石至打撈池遂往迎趙鈞瑞備告前情詎糜

子灘玉石尙未全運過河趙鈞瑞行至開城地方卽被拏獲是以趙鈞瑞到案
僅供出糜子灘玉石九百七十八斤其打撈池玉石三千三百二十四斤係馬
萬金聽囑轉令馬守賓等潛運等情據此反復究詰該犯馬萬金等矢供如一
並稱前因畏懼埋藏玉石罪重是以誘卸常永今蒙嚴訊俱已據實供明願與
常永質對除將趙鈞瑞等四犯仍交委員星夜押解進京外所有質訊馬萬金
等供詞暨趙鈞瑞供詞謹繕清單恭呈御覽至該犯等供出長隨蕭姓以及趙
七臣等現在飛提嚴審其失察之地方官容臣勒爾謹查明另行參奏合併陳
明伏乞皇上睿鑒謹奏乾隆四十三年十月二十七日硃批覽

巴延三摺十

奴才覺羅巴延三跪奏爲恭謝天恩遵旨自行議罪具奏事乾隆四十三年十
月二十五日接准大學士公阿桂大學士于敏中字寄十月二十三日奉上諭
據巴延三明白回奏並自請議處一摺內稱李福攜帶玉石由邊牆一帶行走
至山西汾州路逕共有三條俟部臣訊明李福張鑾確由何路入山西境再將

未經盤獲之地方官查參等語現據軍機大臣訊明張鑾李福攜帶玉石於上年十月內起身由甘州涼州行走今年二月入山西境內綏德永寧汾州平陽等處前往河南由臨淮關至浦口換船過江寧由泗安一路繞道四月初至蘇州等語沿途地方官何以毫無盤詰著巴延三卽將山西各處不行盤獲之地方官查明參奏至巴延三平日不能稽查覺察所司何事甚屬非是卽交部嚴加議處不過革職留任仍不足示儆著傳諭巴延三卽行切實自行議罪具奏其甘肅自嘉峪關及各州縣復由肅州至涼州所過之地最多且所至均有查拏玉石之責乃竟聽伊等安行無忌該地方官獲譴甚重卽河南安徽江蘇浙江不能盤查之地方官及各關監督亦均難辭咎並著各該督撫查明參奏將此由六百里諭令知之欽此遵旨寄信前來奴才跪讀之下感激悚惶容身無地伏思奴才仰蒙聖主參養生成曲加造就畀以封疆重寄事事自當實力稽查乃於高樸家人李福等攜帶玉石由山西汾洲經過漫無防範致被偷越皆由奴才平日不能加緊督飭以致地方官盤詰不嚴實屬罪無可逭猶蒙聖恩格外矜原不卽罷斥令奴才切實自行議罪沐此高厚鴻慈予以自新之路感

激奮勉無以自贖重譴奴才惟有伏地叩頭感激涕零不揣冒昧願自議罰銀四萬兩於本年儘力先繳二萬兩其餘二萬兩於明年後年各繳銀一萬兩解送內務府以冀稍贖前罪於萬一奴才不勝感激悚惶之至謹繕摺恭謝天恩並遵旨自行切實議罪具奏伏乞皇上恩鑒謹奏乾隆四十三年十月二十七日硃批覽

周元理摺二

直隸總督臣周元理謹奏爲遵旨明白回奏事本年十月二十四日承准大學士公阿桂大學士于敏中字寄內開乾隆四十三年十月二十三日奉上諭軍機大臣訊據高樸家人常永供稱伊跟隨高樸往葉爾羌時沿途驛站需索銀兩少者四兩六兩多至五六十兩直隸境內少些到了山西一帶漸漸多了等語前因各省驛站遇有欵差大臣官員過境往往預備公館長隨胥役備辦供應任意開銷而大臣官員之家人前站亦每有需索騷擾之事屢降諭旨嚴加飭禁乃高樸奉差往葉爾羌沿途經過各驛站縱容家人需索騷擾該督撫豈

竟毫無見聞何以不行參奏况高樸曾在保定喝令鞭打辦差家人周元理安得諉爲不知乃竟隱忍不言伊等不過因高樸係兵部侍郎出差驛站事務亦其專管故爾畏懼逢迎甘心徇隱設欵差大臣勢位更有大於此者沿途地方官又將如何酬應乎此事於吏治甚有關繫著傳諭周元理巴延三畢沅勒爾謹將因何不行查察參奏之故明白回奏將此由五百里諭令知之常永供詞並抄寄閱看欵此臣跪讀之下不勝愧悚伏查高樸係乾隆四十一年十二月間過境臣即一面飛飭良鄉至井陘一帶所過各屬嚴查需索騷擾實情速覆去後查清苑爲附省首縣其時係前縣鄭製錦任內之事今該縣已陞任深州隨先飛調來省面詢茲於二十六日鄭製錦到省臣傳同兩司將當日高樸過境鞭打辦差家人如何隱匿不報及有無需索銀錢逐一面加詢問據鄭製錦回稱當日高樸過境住宿西關歷來官員過往總在于公祠內安歇並未另設公館我到驛料理馬匹後即回署辦事次日辦差家人李玉來說高大人的家人用馬鞭打了他幾下我問他爲何緣故李玉說是高大人吃飯時要好清醬我因進城買不及用紅糖調鹽水送去爲我搪塞是以被打並沒受傷我因李

玉用鹽水充作清醬搪塞以致被責且並未受傷衅起微細是以未經具稟亦未給過銀錢有家人李玉可訊等語又喚該縣家人李玉面訊據供當日高大人到時先有一沈姓來站就說你們裝糊塗嗎我並沒有理他後來本官到驛料理馬匹卽回去了高大人吃飯時立刻要好清醬一時買不及就用紅糖鹽水送去高大人說是搪塞他就叫家人拏馬鞭把我打了一頓那時冬天衣服穿得厚並沒打傷亦未給過銀錢等語臣詰詢鄭製錦當日家人既被鞭打業已告知卽應據實稟報卽因衅起微細何難稟知上司因何不稟報據鄭製錦覆稱當日實因事務些小且自己家人用鹽水去搪塞家人原有不是又並未打傷是以未經稟報是實等語臣查鄭製錦經管驛站應付高樸過境家人既被鞭打卽應據實稟報乃竟隱忍不言咎無可道至臣身任封疆事無大小俱應細加體訪乃於高樸過境滋事近在省城臣竟毫無覺察實屬昏憤無可辭咎仰蒙諭旨飭詢臣惶悚無地惟有仰懇皇上天恩將臣交部嚴加議處其前任清苑縣現陞深州知州鄭製錦隱忍不報應請一併交部議處仍俟經過直隸自良鄉以至井陘各州縣如何給與高樸家人銀兩之事稟覆到日另行

分別參奏并飭嗣後凡屬經過奉差官員倘有到站滋擾即行據實揭報毋得稍有諱匿自干嚴譴臣仍不時細加體察訪查務使郵驛肅清以仰副我皇上整飭吏治之至意臣謹遵旨明白回奏伏乞皇上睿鑒謹奏乾隆四十三年十月二十七日硃批該部嚴察議奏

舒文摺五

奴才舒文跪奏爲欽奉聖訓仍遵前旨切實議罪覆奏仰祈恩鑒事乾隆四十三年十月二十五日接到奴才初次明白迴奏一摺又奉到尙書公額駙福隆安內務府大臣侍郎和坤字寄內開乾隆四十三年十月二十日奉上諭本日舒文明白迴奏一摺雖係初奉嚴飭諭旨差人齎摺覆奏舒文辦此事錯謬甚大朕未將伊拿問治罪已屬格外施恩今閱其迴奏之摺種種欺飾支離實爲膽大可惡已於摺內抹出矣李福張鸞等攜帶玉石至數千觔之多久住蘇州製器售賣合城自必皆知舒文織造衙門常有承辦玉器之事玉匠等常時出入必共相傳說舒文豈得諉爲早無見聞雖飾詞巧辯豈能掩蓋適見其味良

自欺耳至李福所供自蘇起身時曾持高樸名帖及高晋所給護牌親到織造衙門舒文告以你主兒所帶東西你開單來替你上稅其說甚爲確鑿業已屢經飭諭舒文令其明白迴奏並再行議罪今舒文此摺尙敢稱爲查報完稅而於代爲上稅之處隱諱不吐實屬有心欺罔喪盡天良令其撫心自問當得何罪乎著再傳旨嚴行申飭仍遵前旨再行切實議罪將此由六百里傳諭知之仍即由驛覆奏欽此欽遵奴才跪讀之下伏地碰頭不能起立正在敬謹繕摺拜進間本月二十六日接到奴才自行議罪一摺又奉尙書公額駙福隆安內務府大臣侍郎和坤字寄內開乾隆四十三年十月二十一日奉上諭本日舒文奏到自行議罪一摺仍敢大膽欺飾推爲不知實屬下愚不移可恨之至已於摺內批抹矣舒文於李福張鸞等私賣玉石一事斷難諉爲毫無見聞屢經傳諭嚴飭乃尙敢飾詞巧辯不肯據實陳奏已屬喪心病狂至李福供稱自蘇起身時親到織造衙門舒文告以你主兒所帶東西你開單來替你上稅其說甚爲確鑿舒文旣代高樸上稅更難隱飾乃因尙未接閱李福供詞仍敢支離狡賴有心欺罔實爲膽大可惡竟非人類所爲看來無福承受朕恩矣舒文著

再傳旨嚴行申飭並即速遵照前旨自行切實議罪將此由六百里傳諭知之仍即由驛覆奏欽此欽遵奴才跪聆聖訓俯伏戰慄感極涕零伏念奴才賦性愚昧辜負天恩於高樸夥同張鸞私販玉石來蘇售賣一案種種糊塗錯謬已極仰蒙聖主如天之仁不加重譴僅令奴才自行切實議罪荷聖主高厚隆恩即消糜頂踵莫能仰報奴才愧悔感激無地自容節經恭摺覆奏仰懇聖主天恩曲宥於無可寬貸之中恩准奴才先後恭繳銀四萬兩並將每年織造養廉銀一萬兩叩求恩准奴才按年扣存恭繳內務府以冀稍贖重罪但奴才受恩甚渥獲罪甚重荷蒙聖訓嚴飭奴才犬馬悔罪私忱愈增惶悚恐懼惟有跪懇聖主恩外加恩垂憐俯准奴才再恭繳銀一萬兩解交內務府俾奴才得與昆蟲草木同霑覆載深恩從此痛自悔改竭盡血忱報効實荷天地深恩於生生世世矣所有奴才切實議罪緣由理合遵旨由驛六百里敬謹覆奏伏乞皇上睿鑒奴才不勝惶悚戰慄之至跪奏乾隆四十三年十月二十七日硃批覽

山西巡撫臣覺羅巴延三跪奏爲查封衛全義馮致安原籍家產數目恭摺具奏事竊照張鑾夥計衛全義馮致安之家產俱應查封當飭平陽汾州二府密往辦理茲據平陽府知府錢人龍稟稱細查衛全義住居曲沃縣之小南莊帶同曲沃縣知縣黃印密赴其家祇有衛全義之母妻及繼子衛景元三人此外別無親屬訊據伊母郭氏供稱只有衛全義一子於乾隆三十八年七月內前往蘇州生理即在蘇州娶妾住居總不回籍惟遇便帶些盤費回家用度家中並無銀兩存留隨細加搜查將所有契券衣物悉數登簿封貯僅有現住房屋十五間地契九紙共價值銀七百八十七兩零並衣飾器具等物細訊保鄰僉供如一開列清冊具稟前來又據汾州府知府雷汪度稟稱前將馮致安拏獲搜出張鑾書信等件業經訊取供情先行稟報今將其家中房產貲財逐一造冊呈送各等情到臣臣細加察核謹將衛全義馮致安兩家查封房產衣物開具清單恭呈御覽至衛全義蹤跡恐其潛回臣屢次嚴飭各州縣四路偵緝並在曲沃縣地方加緊訪拏不致懈縱外臣謹恭摺具奏伏乞皇上聖鑒謹奏乾隆四十三年十月二十八日硃批覽

乾隆朝外洋通商案

潘思榘摺

福建巡撫臣潘思榘謹奏爲奏明事竊查琉球國接貢船本年春間到閩安插驛館經臣會同督臣委員監看貿易稽查彈壓今置買完竣據夷使等僉稱今歲應買貨物銀兩遵奉據實報出擇令妥商置買甚爲公平早經交易完竣並無措延實出天朝柔遠深仁倍切感戴等情茲據該夷使等修整船桅搬運貨物俱經委官查驗並無違禁夾帶已於七月二十六日登舟候風順回國再閩省商船貿易南洋回棹向例准其帶運米石進口發賣本年六七兩月洋船陸續回棹一十六隻隨帶米石每船二三百石不等又龍溪縣船商何景興往暹羅國買米一千石運回俱收廈門港經守口文武查驗分發糶賣於民食頗有濟益臣仍嚴飭沿海地方員弁凡係洋艘出入實力稽察偷越夾帶等弊嚴密防範在洋船隻勒催回棹毋許逗遛滋事以冀仰副我皇上清肅海疆至意合併奏聞伏乞睿鑒謹奏乾隆十三年閏七月初六日硃批覽

喀爾吉善
陳弘謀
摺

閩浙總督革職留任臣喀爾吉善
福建州巡將撫軍臣陳弘謀

謹奏為奏請聖鑒事臣喀爾吉善於七月二

十四日查災至廈門據興泉永道白瀛稟稱現有蘇祿國番目萬勝里母叻帶
番丁萬九挖囉叻吧通事葉興禮配載內地船戶劉合興郭元美等船內舵水
四十一名并賚國書二封各衙門公文七角據稱係奉國王來請貢期拆閱該
國王來文惟廈門同知衙門文內兼有漢文餘均止番書一紙詢之通事葉興
禮據供即係劉合興船上水手曾雄該國王令其充當通事改姓名葉興禮至
詢其國書二封係呈投何處因何封面止有番印並無隻字書內係何情辭各
衙門公文內何以不譯寫漢文據供國書係國王給與伊等亦不知應投何處
是何情辭其各衙門公文因趕趁風汎不及譯寫漢文辭意俱與廈防同知公
文相同等情臣隨令白瀛將番目等安頓謹密公所照向例按名日給薪蔬食
米多撥兵役加意防範毋令奸民引誘勾通並令將載回漢民四十餘名逐一
詰訊出口年月有無久住番邦頂替回籍之人詳候酌辦在案至該國王請示
貢期一節臣喀爾吉善回至省城與臣新柱臣陳弘謀稽覈歷年案卷並蘇祿

國近日番情臣等公同查得蘇祿國於雍正四年乾隆七年兩次遣使納貢均蒙恩准並加賞賚該國原係准通朝貢之列第查乾隆七年貢使回國路經呂宋所屬之邦仔絲蘭因冒充貢使之馬光明負欠呂宋甲必丹黃佔本銀將船內貨物悉行搬抵馬光明等輒以搶去皇賞誑聳國王咨請天朝究追後因馬光明等在內地倚藉蘇祿國王咨文嚇詐黃佔親屬經訪聞拏究將馬光明等遵旨解部收禁在案近年傳聞蘇祿國王因有家難逃避呂宋其弟嗣政與呂宋構兵連年不解以致將上年往販蘇祿之內地商船劉合興郭元美船隻人貨盡行劫歸呂宋舵水大半皆遭荼毒今駕送來閩之舵水四十一人即兩船內逃至蘇祿該國王給與木料造船回閩者臣等詳察情形蘇祿與呂宋互爭構釁原屬島夷常事中國不必代伊申理惟內地民人勾結滋事所當嚴禁在劉合興郭元美二船雖據稱係被呂宋番人劫掠但臣新柱上年訪聞係蘇祿舊王取其貨物將船拖至三寶顏地方今據伊等一面之詞亦難憑信曾雄以水手充通事引番來請貢期尤不可信且詢其所遣番目係該國管城之官如內地千總職分更覺輕率臣等愚昧之見該國當干戈擾攘之際率請貢期恐

係一二內地奸民如馬光明故智從中引誘煽惑亦未可定况查閱投送臣等文移並未兼寫漢字是何情辭無憑繙譯一切草率之至似未便遽准入貢有碍天朝大體除將該國移送廈門同知咨文抄錄恭呈御覽所稱國書既未開明投送處所暫令廈門同知收存外臣等擬將該國此次請貢不合體制未便轉奏之處傳諭番目令將國書賫回如果該國王誠心向化另遣使臣賚表文方物來閩再爲奏進其現在夷船所帶玳瑁燕窩等貨物仍請照例免其輸稅以示天朝寬大之典俟有往販該國便船給與咨文遣令歸國至送回舵水人等俟究訊明白嚴加安插即通事葉興禮既係水手曾雄亦未便仍令赴該國滋事一并嚴加安插以杜奸民勾結之端臣等熟察情形既有所見不敢不備細陳明是否有當伏候皇上訓示遵行謹奏乾隆十七年八月初八日硃批軍機大臣速議具奏

新柱摺

福州將軍兼管閩海關事臣新柱謹奏爲奏聞事竊照蘇祿國遣番目萬勝里

母叻等附搭莊贊洋船來請貢期經臣會同督撫二臣具摺奏聞在案又蘇祿與呂宋連歲構兵將內地劉合興郭元美商船二隻並遭風飄收蘇祿港方長興商船一隻牽去情由經臣兩次繕摺奏報亦在案今據廈門稅口委員會同廈防同知詳報劉合興一船內船戶劉合興一名舵工陳永勝一名水手林桂曾雄即葉興禮等二十八名又郭元美船內水手蔡漢鄭順等五名又方長興船內水手林財李發等六名先於本年七月二十五日附搭莊贊洋船回閩又郭元美船內水手劉祐周意等一十九名於本年八月十二日附搭劉捷興船隻回閩查驗年貌并令原保行舖識認實係原出洋船戶水手應即發回原籍安插至莊贊一名即係劉合興船內水手黃振所帶貨物共計稅銀二百二十一兩五錢零內蘇祿國番日萬勝里母叻名下應完稅銀二十四兩二錢零莊贊名下應完稅銀一百九十七兩三錢零應作何寬免呈請批示並稱莊贊之船原係蘇祿國打造給與莊贊等駕回今莊贊等俱經回籍無人駕駛應請變價給還番日萬勝里母叻收領等情前來臣查劉合興郭元美方長興等三船船戶水手既經審明認係從前出洋有名之人應令回籍安插莊贊駕回之船

訊係蘇祿國打造並無舵水代爲駕回自應變價給領該番目所帶貨物稅銀二十四兩二錢零相應仰體皇仁免其征輸其莊釐貨物原係內地人民稅銀一百九十七兩三錢應令照數征收以符權例合將劉合興等三船船戶舵水回閩原由及分別完稅情由繕摺奏聞伏乞皇上睿鑒謹奏乾隆十七年十月初七日硃批「知道了」

李侍堯摺

兩廣總督昭信伯臣李侍堯跪奏爲請旨事據廣東布政使歐陽永禱詳據南海縣轉據洋行商人潘同文等稟稱有佛喇哂國夷人嚴守志年三十六歲習學天文梁棟才年三十二歲習天文兼曉音律於乾隆三十三年附搭該國夷商喊喇船到廣情願赴京效力懇請代奏等情到臣伏查定例西洋人來廣情願赴京效力者准令呈明地方官具詳轉奏請旨如蒙俞允委官伴送赴京今佛喇哂國夷人嚴守志梁棟才應否准其進京效力之處臣未敢擅便理合恭摺奏聞伏乞皇上睿鑒訓示遵行乾隆三十四年二月二十一日硃批准送京

阿里
德 奏報查明歷次陣亡傷亡官兵摺

臣阿里袞臣明德謹奏爲欽奉上諭事乾隆三十二年五月二十三日奉上諭滇省辦理緬匪一事楊應琚挾詐乖張提鎮等復怯貽悞屢經明降諭旨其尤足寒心者彼此一味欺朦而於軍中弁兵功罪一切置之膜外若不明白宣示何以作士氣而振戎行昨覽李時升呈出札稿內有遊擊班第守備江紀不知下落而楊應琚並不查明具奏遽謂班第等未便作爲陣亡止可作爲受傷身故等語咨商李時升及廷訊李時升亦有用兵以來不乏陣亡將士之供此等將士皆心知大義捐軀報國使其一登奏牘朕必優加軫恤楊應琚竟甘昧天良使忠盡之氣鬱而莫訴於天理國法尙可容乎朕撫馭臣民賞功罰罪不使稍有失當而於軍律尤爲慎重向者西師之役刑賞勸懲不遺纖悉天下莫不共見共聞此等隨營士卒日久未回者其中脫有臨陣潛逃之事固當嚴行究緝俾正明章若其効力疆場致命遂志而統軍大員竟爾視同草菅不得一預錄功之典將復何以用人何以集事著明瑞鄂寧將歷次打仗之陣亡官員兵丁詳悉查明奏請卹賞以昭激勸其有雖非陣亡而迷失不歸及染瘴身故

者亦屬以死勤事之人著一併查奏候朕酌量加恩用昭軍紀將此通諭中外知之欽此查陣亡官員內除提標前營遊擊班第經前撫臣鄂寧飭司查訊跟隨該遊擊之兵丁李世貴等據供陣亡屬實已認明屍身收殮業經鄂寧具奏其督標左營守備江紀一員經前提臣楊寧查明屍骸已在壩尾江尋獲但是否陣亡抑係傷亡無憑知悉亦經前提臣明瑞咨部在案臣等查滇省自軍興以來歷次出師打仗陣亡傷亡及迷失瘴故之官員兵丁等從前楊應琚等俱未查奏乃蒙我皇上神明遠照念及勤事特降諭旨勅令查明具奏當經前提臣明瑞檄飭各營查造去後因各營距永寫遠營員查造不清往返駁查以致稽延時日除錫箔等處陣亡傷亡等項官兵業經臣阿里袞在永查明具奏外茲催據各標鎮協營將辦理緬匪以來至乾隆三十二年五月二十二日奉旨之日止所有陣亡傷亡迷失瘴故官員兵丁餘丁實數查明造冊呈送前來查失散未歸並無下落之弁兵上年曾經前提臣明瑞奏明其中不無竄匿被掠之人應請無庸置議其原任提督楊寧原報打仗未出之革職遊擊素克金泰據本年自阿瓦出來之兵丁許爾功等供稱已在阿瓦身故又原報迷失之守

備程轍盧懷亮候補守備馬子健三員現在阿瓦已奉旨另行辦理外其餘陣
亡官四十四員馬步兵一千六百九十一名餘丁十二名軍前自盡官二員傷
亡官一員馬步兵一百四十五名餘丁四名在軍營暨在途瘴故官三十員馬
步兵一千八百二十名餘丁二百六十六名並未出官十五員馬步兵一千四
百九十一名餘丁八十六名各數一併開造清冊臣等督令局員覆加確核無
異除將細冊送部並將陣亡傷亡等項官員銜名兵丁名數另繕清單恭呈御
覽外謹將遵旨查明緣由恭摺具奏伏候聖主睿裁謹奏乾隆三十三年八月
二十二日硃批有旨諭部

一、...
 二、...
 三、...
 四、...
 五、...
 六、...
 七、...
 八、...
 九、...
 十、...
 十一、...
 十二、...
 十三、...
 十四、...
 十五、...
 十六、...
 十七、...
 十八、...
 十九、...
 二十、...
 二十一、...
 二十二、...
 二十三、...
 二十四、...
 二十五、...
 二十六、...
 二十七、...
 二十八、...
 二十九、...
 三十、...
 三十一、...
 三十二、...
 三十三、...
 三十四、...
 三十五、...
 三十六、...
 三十七、...
 三十八、...
 三十九、...
 四十、...
 四十一、...
 四十二、...
 四十三、...
 四十四、...
 四十五、...
 四十六、...
 四十七、...
 四十八、...
 四十九、...
 五十、...
 五十一、...
 五十二、...
 五十三、...
 五十四、...
 五十五、...
 五十六、...
 五十七、...
 五十八、...
 五十九、...
 六十、...
 六十一、...
 六十二、...
 六十三、...
 六十四、...
 六十五、...
 六十六、...
 六十七、...
 六十八、...
 六十九、...
 七十、...
 七十一、...
 七十二、...
 七十三、...
 七十四、...
 七十五、...
 七十六、...
 七十七、...
 七十八、...
 七十九、...
 八十、...
 八十一、...
 八十二、...
 八十三、...
 八十四、...
 八十五、...
 八十六、...
 八十七、...
 八十八、...
 八十九、...
 九十、...
 九十一、...
 九十二、...
 九十三、...
 九十四、...
 九十五、...
 九十六、...
 九十七、...
 九十八、...
 九十九、...
 一百、...

備支承襲世俸等銀六萬六千六百二十四兩五錢九分九厘此係隨時動用十七年並

無此款

嘉慶十七年共歲出銀一百五十三萬五千七百八十五兩五錢八分四厘較

十六年歲出銀一百三十七萬六千二百一十七兩二錢六分八釐計多出銀一十五萬九千五百六十八兩三錢一分六釐

內照例支給銀一百二十四萬二千二百六十七兩九錢四分隨時動用銀

二十九萬三千五百一十七兩六錢四分四厘

再查該省歲出銀一百五十三萬五千七百八十五兩五錢八分四厘以前項

歲入銀一百一十五萬三千五百八十五兩一分四厘計不敷銀三十八萬

二千二百兩五錢七分在于奉撥兵餉等項銀內動支

河南省

嘉慶十七年額徵地丁雜稅等銀三百七十四萬四千四百七十七兩零內除

銀四十八萬一千三百四十五兩四錢零外

實徵銀三百二十六萬三千一百三十一兩六錢零較之十六年歲入銀三百

七兩五錢零計少入銀二十八萬五千四百四十五兩九錢零因地丁蠲緩多寡不同雜稅係儘收儘解是以較少

支銷各款開後

照例支給十七年比銀數相同之款

一給憲書工價并陝西潼關倉滿營獎賞修費辦解牛筋棉布價值河工防險

以及漕項等銀五十八萬四千二百四十四兩八錢零較之十六年歲支銀數相符

照例支給十七年比銀數較少之款

一給武職官兵俸餉驛站工料協解河庫搶修不敷江南船料撥補荒缺買補

馬價以及廩糧等銀八十四萬三千七百六十二兩五錢零較之十六年歲支銀一百七萬

六千七十二兩八錢零計少支銀二十三萬二千三百一十兩三錢零因俸餉驛站缺曠不齊協解船料馬價數目無定廩糧計人核給是以較少

照例支給十七年比銀數較多之款

一給致祭文廟各壇廟品物文職官役俸工節婦建坊各營公費賞卹協解甘

餉歲料加價堡夫工食以及候補人員養廉馬乾等銀一百二萬二千二百

四十九兩零較之十六年歲支銀六十九萬五千三百九十四兩九錢零計多支銀三十三萬六千八百五十四兩一錢零因品物預提

先後不一俸工缺曠不齊建坊視禮部題准公費賞卹協餉料價數目無定工食馬乾計人核給是以較多

隨時動用十七年所有之款

一給協解南河備用挑挖買魯河土方建蓋衙署以及買補穀價等銀五十三

萬八千一百三十五兩六錢零

此係隨時動用十年並無此款

隨時動用

十七年所無之款

一給文武舉人會試車價信陽等州縣借領俸工管河河北二道預辦歲料加

價撫卹口糧築蓋城堤墩臺營房修建荆紫關工料河汛兵糧以及通判張

廣基等欠解搶修核減歸還河庫等銀五十四萬五千三百三十四兩五錢

零

此係隨時動用十年並無此款

嘉慶十七年共歲出銀二百九十九萬八千三百九十一兩九錢零

較之十六年歲出銀

二百九十萬一千四十七兩零計多出銀九萬七千三百四十四兩九錢零內照例支給銀二百四十六萬二百

五十六兩三錢零隨時動用銀五十三萬八千一百三十五兩六錢零

再查該省歲入銀三百二十六萬三千一百三十一兩六錢零抵支前項歲出

銀二百九十九萬八千三百九十一兩九錢零外尚餘銀二十六萬四千七

百三十九兩七錢零

統入春秋二季報冊內酌撥解部並留協鄰省

山東省

嘉慶十七年額徵地丁雜稅等銀三百五十二萬九千五百八十八兩二錢零內除

災緩帶徵未完等銀一百八十八萬九千一百三十三兩八錢零外

實徵銀一百六十四萬四百四十六兩四錢零較之十六年歲入銀二百五十萬七千五百八兩三錢零計少

入銀八十六萬七千六十一兩九錢零因地丁有災緩帶徵未完銀兩雜稅係儘收儘解是以較少

支銷各款開後

照例支給十七年比十六年銀數相同之款

一給文廟執事官俸民佃灶地文職俸工河院船夫工食德州等營紙硃火藥

河工歲修料價買補馬價河道夫食貧士學租淮安造船小料臨德二倉屯

糧修造漕船會試舉人車價黃河堡舖夫工食刊刻憲書工價以及辦解牛

筋等銀四萬一千一百七十三兩九錢零較之十六年歲支銀數相符

照例支給十七年比十六年銀數較少之款

一給致祭關帝廟品物武職官兵俸餉捕河等廳餉米河道不敷器具各營紅

白賞項青州副都統人役工食滿營火藥節婦建坊委解直隸甘肅兵餉以

及漕項等銀七十一萬四千四百九十八兩六錢零較之十六年歲支銀一百一十六萬九千九百

九十七兩二錢零計少支銀四十五萬五千四百九十八兩六錢零 因品物預提先後不一俸餉缺曠不齊餉米器具工食火藥數目無定賞項計人核給建坊視禮部題准漕項隨地畝編徵是以較少

照例支給十七年比銀數較多之款

一給各營公費樁埽官兵俸餉捕河等汎廩給工食兵丁無倚眷屬半餉衛所

雜支修城工料章邱等處採買米價以及驛站夫馬工料等銀四十二萬五

千六十七兩四錢零較之十六年歲支銀三十六萬四千一百九十六兩八

餉缺曠不齊工食半餉計人核給雜支米價工料支銷無定是以較多

隨時動用十七年所有無之款

一給盛京直隸賑卹脚價鞘箍盤費青州滿營漕耗米折不敷餉米夫馬工料

買補米麥豆價修理堤埝埽工開工濟甯等處挑挖城河以及賞給孤貧口

糧等銀三十五萬九千七百六兩五錢零此係隨時動用十六年並無此款

隨時動用十七年所有無之款

一給出借籽種修理河工協濟稽料運脚修理戴村壩工河標傳報官丁廩糧

把總丁芳英等半俸委解川餉濟南城守營餉米折價榮城等州縣閏月孤

貧口糧以及已故道員李憲宜卹賞等銀二十三萬七千三百九十八兩一

錢零此係隨時動用十年並無此款

嘉慶十七年共歲出銀一百六十四萬四百四十六兩四錢零較之十六年歲出銀一百九十

一萬三千三百二十兩四錢零計少出內照例支給銀一百二十八萬七百

三十九兩九錢零隨時動用銀三十五萬九千七百六兩五錢零

再查該省歲入銀一百六十四萬四百四十六兩四錢零抵支前項歲出銀一

百六十四萬四百四十六兩四錢零並無餘剩

山西省

嘉慶十七年額徵地丁雜稅等銀三百一十八萬六千五百三十兩七錢七分

一厘內除緩徵未完銀一萬二千七百五十一兩一錢九分

實徵銀三百一十七萬三千七百七十九兩五錢八分一厘較之十六年歲入

五百九十兩五錢七分七厘計多入銀六十一萬三千一百八十九兩四釐因是年地丁有帶徵銀兩雜稅係儘收儘解是以較多

支銷各款開後

照例支給十七年比銀數相同之款

一給文職官役俸工解部鐵斤價脚顏料紙硃滿營操鎗藥鉛各營公費採買兵米義學束脩兵丁紅白賞項以及辦解毛頭紙價脚等銀一十九萬三千

四百一兩四錢七分二厘

較之十六年歲支銀數相符

照例支給

十六年比

銀數較少之欸

一給五臺山喇嘛俸糧驛站工料過往官兵不敷米折節婦建坊辦解綢絹以

及解餉車價等銀二十萬七千二百三十九兩二錢六分六厘

較之十六年歲支銀二十

二萬二千七百一十七兩七錢二分八釐計少支銀一萬五千四百七十八兩四錢六分二釐

因俸糧驛站缺曠不齊建坊視禮部題准米折紬絹車價數目無定是以較少

照例支給

十六年比

銀數較多之欸

一給武職官兵俸餉協撥陝西甘肅兵餉買補穀價解餉水脚解交綏遠城庫

貯以及貧士學租等銀二百五十六萬九千四百六十九兩一錢八分五厘

較之十六年歲支銀一百七十二萬七千一百五十兩五錢八分五釐計多支銀八十四萬二千三百一十八兩六錢

因俸餉缺曠不齊協撥兵餉穀價水脚數目無定學租計人核給是以較多

隨時動用

十六年所有

無之欸

一給癸酉科文場經費借領驛站俸工太原等營不敷俸賞採買硫磺價脚以及領解部庫等銀一萬五千九百二十七兩八錢一分四厘此係隨時動用十六年並無此款

隨時動用十七年所有無之款

一給領解烏里雅蘇台經費岢嵐等州縣借領俸工雜支右玉等縣不敷俸工

以及守備趙猶龍卹賞等銀二十萬三千七百五十六兩九錢五分八厘此係隨時動用十七年並無此款

嘉慶十七年共歲出銀二百九十八萬六千三百七十七兩七錢三分七厘較之十六年歲

出銀二百三十四萬七千二百六兩七錢四分三釐計多出銀六十三萬九千一百兩九錢九分四釐內照例支給銀二百九

十七萬一百九兩九錢二分三厘隨時動用銀一萬五千九百二十七兩八

錢一分四厘

再查該省歲入銀三百一十七萬三千七百七十九兩五錢八分一厘抵支前

項歲出銀二百九十八萬六千三百七十七兩七錢三分七厘外尚餘銀一十八

萬七千七百四十一兩八錢四分四厘統入春秋二季季報冊內酌撥解部並留協鄰省公費

史料旬刊第一期至第二十四期目錄索引

附註

阿拉伯號碼表明期數，中文數字表明葉數，目錄先後以首一字筆畫多寡為次，其單獨奏摺官銜從略，依其人之姓。

目

錄 登 載 期 數 及 葉 數

三畫 山

山西澤州妖言聚衆案

1 一八至一九、9 二九五至三〇一。

四畫 中 王 內

中正殿等處應需光祿寺奶子欸目

3 七九至八二、

王原圻上年羹堯書

1 五至七、

王國棟奏押遣廣西人犯之官兵未聞悖逆之言摺

11 三九四至三九五、

王郡奏報客民偷渡過臺情形摺

17 六一五至六一六、

內務府奏清查武英殿修書處餘書摺

14 五一五至五一六、

內務府成造物品案

23 八三四至八三六、

五畫 古 永

古州苗案

11 三九一至三九三、

永瑨奏刪去華嚴經武則天序文摺

14五〇三、

永貴奏杭城旗民鬥毆情形摺

15五三二至五三四、

六畫 朱 托 安 西 江

朱三太子案

2三三至三七、

托恩多奏乾隆二十二年粵海關稅收短少摺

3九七、

安徽擡天三乘二會案

11三七三至三八〇、

安南夷民拔竹毀柵案

10三三〇至三三三、13四五二至四五八、

安南請查莫氏後裔案

14四八七至四八九、

安南土官韋福瑄滋擾諒山案

16五五七至五六二、

安南陳廷暄阮文富薙髮改裝私越隘口案

18六三九至六四四、

安南進貢案

18六五八至六五九、

安南脫回厥徒案

21七四〇至七四四、22七九五至八〇一、

安西改設郡縣移駐營汛案

22七七二至七七六、

西洋人進貢案

11四〇三、

江浙長生教案

13 四四九至四五二、15 五二八至五三一、

江蘇大乘無爲二教案

15 五二五至五二七、

七畫 成 李 沈

成造中和樂器案

15 五一七至五二四、

李梅等散布僞符案

1 二〇至三〇、2 五三三至五四、

李樹德奏審僧成脉情形摺

2 五二、

李侍堯奏查拿李伯舉等私藏符書摺

3 九八、

李侍堯奏軍犯張振奇等謀財害命摺

13 四六六至四六八、

李侍堯奏巡閱邊境情形摺

22 八〇二、

李衛奏訊出邪教現在辦理緣由摺

17 六〇七至六〇八、

李禧漏洩密旨案

8 二八六至二八八、

沈廷芳奏請仆殿前朝逆閣王振塑像摺

12 四二〇、

八畫 阿 易 河 武 明 岳 周

阿思哈奏大同等州縣查無長陵遺址摺

15 五五〇、

阿里衮奏報陣亡官兵摺

24 八八一至八八二、

易州僧人廣興等賣符售藥案

10 三三九至三四〇、

河南桐柏縣天主教案

12 四二一至四二四、

武英殿遺失經板案

13 四四六至四四八、

明山奏覆鳳翔八觀現存湮沒情形摺

12 四三四至四三五、

岳澹奏請改建濮州堯陵廟宇摺

20 七三一至七三二、

周元理奏報乾隆四十三年直省戶口倉穀摺

21 七七〇至七七一、

九畫 胡 恒 查 衍 俄

胡寶琮奏參顧綱摺

12 四三七、

恒文奏盜犯越獄復獲請即正法摺

13 四六九至四七〇、

查禁寬永錢文及私鑄案

14 五〇四至五〇七、

查辦戲劇違礙字句案

22 七九三至七九四、

衍聖公請廢告子從祀裁減廟戶案

20 七二〇至七二四、

俄羅斯國喇嘛學生案

2 三八、

十畫 唐容浙高

唐孫鎬揭帖案

5 一四二至一四六、

容美土司田旻如案

8 二五七至二六四、

浙江德清縣造橋石匠埋煞案

10 三三四至三三八、

高成齡 蔣洞奏散佈偽箭犯口供摺

1 一八至一九、

高樸私鬻玉石案

19 六六〇至六七二、20 七〇五至七一九、21 七四五至七五九、22 七八二至七九二、23 八一七至八三三、24 八六八至八七七、

十一畫 康許乾深張清

康熙乙未會試科場案

1 八至一七、

康熙四十八年西洋人進貢案

3 七三至七八、11 四〇三、

許英賢賣藥案

2 三九至四八、

乾隆二十四年暎咭喇通商案

3 九一至九六、4 一三一至一二五、5 一五八至一六二、6 一九八至二〇〇、9 三〇六至三一〇、

乾隆朝外洋通商案

10 三五四至三六〇、12 四二五至四二八、14 五〇八至五〇一〇、16 五八一至五八四、18 六五四至六五七、20 七三三至七三四、22 八〇三至八〇五、24 八七八至八八〇、

乾隆朝京外王公大臣懇請成造無量壽佛案

17 六〇一至六〇六、18 六四五至六四六、

深州民張福恒出首楊永先等謀叛案

13 四五九至四六五、

張子文冒用兵部火票案

21 七三五至七三九、

張廣泗奏董芳諸人行事心性 & 韓勳等署提鎮摺

20 六九八至七〇四、

清乾隆修建各處殿宇工程案

14 四七八至四八四、15 五三五至五三八、

清高宗裕陵殿宇油畫見新案

13 四三八至四四五、

清乾隆頒發各廟宇西番字蒙古字楞嚴經案

16 五五一至五五六、

清咸豐十年英法兵入京焚燬圓明園案

17 五八九至六〇〇、18 六三〇至六三八、

十二畫 焦 鄂 道 割 湖

貴 黃 傅 朝 雲

焦祈年奏拿獲散布偽箭犯摺

1 三一、

鄂容安奏參王柔摺

12 四三六、

鄂容安 莊有恭 奏優伶蓄髮江蘇加意體察摺

19 六九七、

鄂寶奏報乾隆十七年奉省戶口米穀摺

19 六九〇、

道光十一年查禁雅片烟案

3 八三至九〇、4 一三五至一四一、5 一七一至一七七、
6 二〇五至二〇九、9 三二六至三二九、

道光朝外洋通商案

4 一、二、六至一三三、5 一、六、五至一七〇、6 二、一〇至一七、8 二、八、九至二九三、9 三、一、一至三三二、10 三、六、二至三六五、11 三、九、六至四〇二、13 四、七、一至四七七、15 五、四、五至五四九、17 六、一、七至六二二、19 六、九、二至六九六、21 七、六、五至七六九、23 八、四、二至八四六、

道光朝俄羅斯私入哈薩克邊界建房案

4 一、三、二至一三四、

割辦案

5 一、五、二至一五七、6 一、八、六至一九七、7 二、二、三至二三五、8 二、六、五至二七六、10 三、四、一至三五、11 三、八、一至三九〇、

湖北荆門孫大有何佩玉等謀為不軌案

6 二、〇、一至二〇四、7 二、五、〇至二五六、

湖南省傳抄謠詞案

12 四、三、二至四三三、

貴州威寧媽姑鉛廠控毆廠官案

21 七、六、〇至七六四、

黃廷桂奏審擬朱紹愷首告甘普謀為大逆摺

14 五、一、一至五一四、

黃佔等搶取蘇祿貢使物品案

24 八、六、四至八六七、

傅毓俊誣陷張天重謀逆案

16 五、七、六至五七八、

朝鮮國王李祘仰謝皇恩摺

14 四、八、五至四八六、

雲南野夷標標焚殺搶掠案

17 六、〇、九至六一二、18 六、四、七至六五三、

雲南整欠景海兩土目進貢案

17六一三至六一四、

十三畫 雍新楊準

雍正安南勘界案

1一至四、2五五至七二、4一〇七至一一二、5一四七至一五一、

雍正朝外交案

7二四六至二四九、

新柱奏呂宋與蘇祿搆兵情形摺

17六二三、

楊廷璋奏審擬紅陽教餘孽摺

16五七九至五八〇、

準噶爾夷人進貢案

19六八三至六八六、20七二五至七三〇、

準噶爾夷人貿易案

24八五一至八五五、

十四畫 福慈僧趙嘉

臺閩

福隆安等奏估修寧壽宮摺

5一六三至一六四、

福建生員李冠春獻策被誅案

9三二二至三二三、

福建古田縣蕭日安製旗聚衆案

16五八五至五八六、

慈寧宮改建大殿案

16五六三至五六七、

僧人覺圓等結盟散旗案

19六七三至六八二、

趙弘恩奏禁止邪教摺
趙國麟

1 三二、

趙雲鵬捏造圖記誣騙錢文案

23 八一至八一六、24 八五六至八六〇、

嘉慶朝嘆咭喇通商案

3 九九至一〇六、

嘉慶誅和坤案

6 一七八至一八五、7 二三六至二四五、8 二七七至二八五、14 四九〇至四九八、

嘉慶二年乾清宮失火案

7 二一八至二二二、

嘉慶朝軍機處議駁江蘇監生周斫條奏案

12 四二九至四三一、

嘉慶十七年各直省錢糧出入清單

22 八〇六至八一、23 八四七至八五〇、24 八八三至八八六、

臺灣諸羅縣奸民插旗案

9 三二四至三二五、

臺灣黃教案

11 三六六至三七二、12 四一一至四一九、15 五三九至五四四、16 五六八至五七五、

臺灣彰化縣奸民聚眾豎旗案

16 五八七至五八八、

閩贛邊界散筍案

10 三五二至三五三、

十五畫 緬 廣 潘 潮 暹

緬匪進貢還人案

22 七七七至七八一、23 八三七至八四一、

廣東肇高道李濱自刎案

9 三〇二至三〇五、

潘思錫奏南洋諸國構覺慎重海防摺

10 三六一、

潮州王朝柱父子偽造印札案

19 六八七至六八九、

暹羅國入貢案

14 四九九至五〇二、

十七畫 薙

薙髮案

18 六二四至六二九、

十九畫 羅

羅教案

2 四九至五一、12 四〇四至四一〇、24 八六一至八六三、

二十畫 蘇

蘇祿國貢使回國案

8 二九四、